



Sabtu, 04 Juni 2022

Ogen: Kuan-Kuanen 17:17



Encidahken Keleng Ate



Jarak ras teman lanai mbatasi kita guna erteman. Apai ka bas teman sigenduari enggo cukup melala sierbahanca kita ndeher ras kagak si ndauh. Melala dalam kita jumpa sitandan arah media Fb, WA, Ig ras sidebanna. Tuhu meriah kel ukurta kune melala temannta. Bagi kata pedah siusur sibegi "seribu teman kurang denga tapi sada musuh mbuesa".

Erkawiten ras sie bahasa-bahasa sinuriken pertemanen e pe ibahan ka nge alu erbage-bage, umpaman genduari melala kel siidah bas media sosial make istilah "bestie". Istilah enda ipake guna *menyapa* teman-teman sidebanna. Kata enda ngertiken teman terbaik. Cukup mehuli, arah sie sikataken maka melala kap teman-teman terbaik kita.

Salomo bas kitab kuan-kuanen wari enda nuriken kerna erti teman. Labo terjeng teman tapi lebih tepatna *sahabat (Bahasa Indonesia)*. Piga-piga situriken i jenda e me: sipemene, teman e tetap encidahken atena keleng. Bas kerina paksa ras kecibal geluh tetap ia jadi sahabat (teman dekat). Beda ras kalak si erteman terjeng perluna saja, labo adi perlu ipertemani adi la perlu bagi silatandan. Sipeduaken teman e bagi senina singejapken kiniseran. Bas orat ngeluh kalak karo ersenina eme *medes ersenina*. Singatakenca maka kune lit pe si kesalahan seninana igejapkenna e kesalahenna. Si enda mekatep kel ibelasken bas kerja adat, "kune kurang ratur perdalanen kata tenah (undangan) man sangkep geluh si e labo erkiteken salah lepak simada kerja tapi iakui senina, sembuyakna e salahna kap. Ersenina e hubungan si la terpesirangken. Bage me hubungan sahabat/pertemanen. Kekelengen e la ersibar, janah berusaha ngukurken kai nge tole simehulinna ibereken man senina e. Perukuren dengen perbahanen sibagenda terus turah bas kegeluhen erkiteken palas kekelengen. Selaku moria, jadilah sahabat si encidahken keleng ate man teman-teman moria ras sekeleweta.

Jadilah teman bas kerina paksa-paksa